

Oqaluuserisassanut nassuaat.

(Inatsisartut Siulittaasuat)

2022-mi upernaakkut ataatsimiinnermut oqaluuserisassat ulloq 25. februar tamanut saqqummiunneqarput.

Kingusinnerusukkut allannguutit ingerlaavartumik nalunaarutigineqartarsimapput oqaluuserisassallu nutarterneqarlutik.

Ulluni ataatsimiiffiusuni ataasiakkaani oqaluuserisassat ingerlaavartuussapput, taamaalillunilu oqaluuserisassani immikkoortut ullormi oqaluuserineqarfissaminni angumerineqanngitsut ullormi ataatsimiiffiusumi tullermi taassisutissat pineqareeraangata oqaluuserineqartassallutik.

Inatsisartunut Naalakkersuisunullu ilaasortat oqaluuserisassat allanngortinneqarnissaannik oqaaseqarfinginissaannilluunniit kissaateqarunik, Inatsisartut ataatsimiinnissaat kingusinnerpaamik sapaatit akunneranik ataatsimik sioqqullugu, siulittaasoqarfimmut saaffiginninnissaannik qinnuigineqarsimapput.

Tamanna pillugu saaffiginnissutinik siulittaasoqarfik tigusaqarsimavoq saaffiginnissutillu suliarisimallugit.

Kiisalu oqaatigineqassaaq Inatsisartunut ilaasortat ataasiakkaat ilaasortat siunnersuutaasa saqqummiunneqartut kalaallisut qallunaatullu oqaasertalersorneqarnermikkut eqqortuunissaat namminneq akisussaaffigimmassuk. Oqaasertaliisimanikkut erseqqissaasoqarnissaa kissaatigineqarpat, iluarsiissutit, siunnersuutip UPA2022-mi oqaluuserineqarnissaa sioqqulluarlugu Allattoqarfimmut nassiuteqquneqarput.

Suleriaatsitsinni § 4, imm. 1 naapertorlugu oqaluuserisassanut nassuaat isumaqatigiinniutigineqassanngilaq, taamaattumillu oqaluuserisassat pillugit naammagittaalliutit siulittaasoqarfimmut allakkatigut saaffiginnissutigineqartassapput.

Tamatuma kingorna oqaluuserisassat akuerineqartutut isigineqarput.

Taasisarnerit pillugit uku akornanni isumaqatigiissuteqartoqarpoq:

Eqaluk Høegh, Inuit Ataqatigiit aamma Nivi Olsen, Demokraatit.

Pipaluk Lynge-Rasmussen, Inuit Ataqatigiit aamma Kim Kielsen, Siumut

Hans Aronsen, Inuit Ataqatigiit aamma Aslak W. Jensen, Siumut

Kristian Jeremiassen, Inuit Ataqatigiit aamma Mala H. Kuko, Siumut.